

Skattavakt PwC

Fréttabréf Skatta- og lögfræðisviðs

9. tölublað 2013

Skattavaktin er mánaðarlegt fréttabréf PwC þar sem sérfræðingar á Skatta- og lögfræðisviði félagsins skrifa um athyglisvert efni tengt skattarétti. Leitast er við að gera grein fyrir nýju efni, hvort sem um er að ræða dóma, lög, frumvörp, úrskurði eða stjórnvaldsákvæðanir.

pwc

Efnisyfirlit

Héraðsdómur Reykjavíkur nr. E-3327/2012

Úttekt úr félagi sem ólögmaet var samkvæmt lögum um einkahlutafélög var talin eiganda félagsins til tekna sem laun.

Kynjahlutföll í stjórnnum fyrirtækja

Hinn 1. september tóku gildi ákvæði einka- og hlutafélagalaga um kynjahlutföll í stjórnnum félaga.

Lánsveðsvaxtabætur

Einstaklingar sem festu kaup á íbúðarhúsnæði eða hófu byggingu á árunum 2004-2008 og tóku jafnframt lán með veði í fasteign annars einstaklings eiga rétt á lánsveðsvaxtabótum. Umsóknir til ríkisskattstjóra um lánsveðsvaxtabætur skulu berast ríkisskattstjóra í síðasta lagi fyrir 15. september 2013.

Héraðsdómur Reykjavíkur í máli nr. E-3327/2012

Ágreiningur málsins stóð um þá ákvörðun ríkisskattstjóra að tekjufæra sem launatekjur greiðslu að fjárhæð kr. 8.434.751 á tekjuárinu 2006 og greiðslu fjárhæð kr. 150.000.000 á tekjuárinu 2008 frá félaginu X ehf. sem var í eigu stefnanda. Tekjufærsla ríkisskattstjóra var á þeim rökum reist að um væri að ræða óheimila úthlutun fjármuna.

Stefnandi hélt því fram að frestur skattyfirvalda til endurákvörðunar opinberra gjalda hafi verið liðinn þegar endurákvörðun fór fram. Þá vísaði stefnandi til þess að eigið fé X ehf. hafi verið jákvætt og því hafi verið skilyrði til úthlutunar arðs.

Héraðsdómur vísaði til þess í niðurstöðu sinni að ríkisskattstjóra hefði verið ómögulegt að endurákvæða opinber gjöld stefnanda án þess að kalla eftir frekari gögnum og skýringum frá stefnanda. Af þeim sökum hafi frestur skattyfirvalda til endurákvörðunar verið sex ár en ekki tvö ár. Þegar af þeim sökum hefði frestur til endurákvörðunar ekki verið liðinn.

Í niðurstöðu dómsins kom ennfremur fram að samkvæmt ársreikningum félagsins vegna rekstraráranna 2005, 2006 og 2007 hefði það verið rekið með tapi öll árin. Þar með hafi greiðsla til stefnanda ekki verið úthlutun af hagnaði ársins eða yfirfærðs hagnaðar frá fyrri árum. Í 74. gr. laga nr. 138/1994 kæmi fram hvenær úthlutun arðs sé heimil. Í sömu grein væri kveðið á um að frjálsir sjóðir samkvæmt lagagreininni mynduðust af rekstrarhagnaði fyrri ára eða af niðurfærslu hlutafjár. Dómurinn taldi að þessi skilyrði hafi ekki verið fyrir hendi í tilfelli stefnanda og því ekki fallist á kröfur hans.

Kynjahlutföll í stjórnnum fyrirtækja

Vakin er athygli á að hinn 1. september sl. tóku gildi ákvæði einka- og hlutafélagalaga um kynjahlutföll í stjórnnum félaga.

Lögin gilda aðeins um þau félög þar sem starfa 50 starfsmenn eða fleiri að jafnaði á ársgrundvelli.

- Séu fleiri en einn einstaklingur í stjórn félags skal gætt að kynjahlutföllum.
- Sé stjórn skipuð tveimur eða þremur einstaklingum skal hvort kyn eiga fulltrúa í stjórn.
- Sé stjórn skipuð fleiri en þremur einstaklingum skal gæta þess að hlutfall hvors kyns sé ekki lægra en 40%.

Lánsveðsvaxtabætur

Einstaklingar sem festu kaup á íbúðarhúsnæði eða hófu byggingu á árunum 2004-2008 og tóku jafnframt lán með veði í fasteign annars einstaklings eiga rétt á sérstökum vaxtabótum – lánsveðsvaxtabótum. Umsóknir um lánsveðsvaxtabætur skulu berast ríkisskattstjóra í síðasta lagi fyrir 15. september 2013.

Skilyrði fyrir ákvörðun lánsveðsvaxtabóta eru eftirfarandi:

- Íbúðarhúsnæði hafi verið keypt eða byggt til eigin nota og lán tekin því til öflunar á tímabilinu frá 1. janúar 2004-31. desember 2008.
- Lán hafi verið tekið með veði í fasteign í eigu annars einstaklings.
- Íbúðin hafi verið í eigu umsækjanda í ársbyrjun 2009.
- Eftirstöðvar fasteignaveðlána vegna þess íbúðarhúsnæðis, sem fengin voru með lánsveði, hafi samtals verið hærri en 110% af fasteignamati eignarinnar á söludegi eða í árslok 2010.
- Höfuðstóll veðlána hafi ekki verið lækkaður fyrir 9. apríl 2013.

Skatta- og lögfræðisvið PwC

Við hjá Skatta – og lögfræðisviði bjóðum upp á margs konar þjónustu, þar með talið ráðgjöf varðandi:

- Alþjóðlega skattaráðgjöf
- Félagarétt
- Milliverðlagningu („Transfer pricing“)
- Samruna, skiptingar og yfirtökur
- Skattlagningu einstaklinga
- Skattlagningu rekstraraðila
- Virðisaukaskatt

Starfsmenn sviðsins hafa mikla reynslu og yfirgripsmikla þekkingu á sviði skatta- og félagaréttar og veita viðskiptavinum aðstoð og ráðgjöf varðandi lögfræðileg álitaefni sem skapast innanlands sem og erlendis.

Til að fá frekari upplýsingar um starfsemina er hægt að hafa samband við eftirfarandi starfsmenn:

Ábyrgðarmaður

Jóhanna Á. Jónsdóttir

Sviðsstjóri Skatta- og lögfræðisviðs

Sími: +354 550 5356

johanna.a.jonsdottir@is.pwc.com

Ritstjóri

Jón Ingi Ingibergsson

Lögfræðingur á Skatta- og lögfræðisviði

Sími: +354 550 5342

jon.i.ingibergsson@is.pwc.com

PwC | Skógarhlíð 12 | 105 Reykjavík | S: 550 5300 | Fax: 550-5301 | www.pwc.com/is

Þessi samantekt felur ekki í sér ráðgjöf af neinu tagi. Ekki ætti að afhafast samkvæmt vefriti þessu án þess að fá sérfræðilega ráðgjöf. PricewaterhouseCoopers ehf., PricewaterhouseCoopers LLP, hluthafa, starfsmenn og umboðsaðilar bera ekki ábyrgð á upplýsinum sem gefnar eru í þessu vefriti eða aðgerðum sem framkvæmdar eru af hálfu annarra aðila á grundvelli þessara upplýsinga.

©2012 PricewaterhouseCoopers ehf. Allur réttur áskilinn. „PricewaterhouseCoopers“ vísar til PricewaterhouseCoopers efh. á Íslandi, nema ráða megi af samhengi eða beinum tilvísunum að vísað sé í önnur fyrirtæki innan PricewaterhouseCoopers International Limited sem öll eru lagalega sjálfstæðar einingar.